



ՀԱՅՈՑ ԱՌԱՋՆՈՐԴՈՒԹԻՒՆ ՖՐԱՆՍԱՅԻ

Գերաշնորհ Ս. Վահան Եպս Յովհաննէսեան Առաջնորդ

DIOCÈSE DE FRANCE DE L'ÉGLISE APOSTOLIQUE ARMÉNIENNE

Son Excellence Monseigneur Vahan Hovhannessian, Primat de France



Սիրելիներ

Քանի մը ժամէն պիտի ողջունենք Նոր Տարին՝ 2018 թուականը, հրաժեշտ տալով 2017-ին: Ահաւասիկ տարի եւս գլորեցինք, որու ընթացքին ունեցանք երջանիկ, երբեմն ալ տխուր յիշատակներ, աւարտած իրագործումներ, որոշակի ձախողումներ ինչպէս նաեւ Նոր փորձառութիւններ եւ ձեռք բերուած գիտելիքներ:

Անհաւատալիօրէն զարմանալի է Աստուծոյ ստեղծած կեանքի այս դրութիւնը, ուր աւարտող իւրաքանչիւր տարուայ կը յաջորդէ Նոր խոստումներով, հնարաւորութիւններով, վերականգման կարելիութեամբ ու յոյսով լեցուն Նոր տարի մը: Ամանորի շեմին կանգնած, կը վերանայինք 2017-ին. մեր սիրելիներուն հետ մեր ունեցած գեղեցիկ յիշատակներուն եւ մեր ձեռք բերած փորձառութեան ու յաջողութիւններուն համար եւ Տիրոջ շնորհակալութիւն կը յայտնենք: Կը խորհրդածենք մեր ձախողութիւններու եւ սխալներու մասին եւ կը փորձենք անոնցմէ դասեր քաղել: Կը յիշենք մեր սիրելիները եւ մեր բարեկամները, որոնց հրաժեշտ տուինք այս աշխարհի վրայ, յուսալով որ յաւերժական կեանքին մէջ անոնց հետ կը վերամիաւորուինք: Անոնց համար կ'աղօթենք Տիրոջ:

Պայծառ ապագայի հեռանկարներով կարճ ժամանակէ պիտի ողջունենք 2018-ը: Ընորհակալութիւն կը յայտնենք Տիրոջ այս մեծ հնարաւորութեան եւ օրհնութեան համար: Մենք ա՛լ ի նպաստ մեր եկեղեցւոյն եւ ազգին աշխատանքի լծուելու մեր յանձնառութիւնը կը նորոգենք. մեր նպատակներուն եւ թիրախներուն հասնելու եւ ամրապնդելու համար այն արժեքները, որոնց նուիրած ենք մեր կեանքը՝ մեր հաւատքը, ընտանիքը, եկեղեցին եւ ասպարեզը:

Նոր տարուայ շեմին կանգնած Աստուծոյ փառք կուտանք եւ շնորհակալութիւն կը յայտնենք իր բոլոր նուէրներուն յատկապէս Տիրոջ Ծննդեան պարգեւին համար որ դարձաւ մեր մեղքերու փրկանքը ու մեր յաւերժութեան յոյսը:

Փարիզէն, Ֆրանսիայի Հայոց Թեմի նստավայրէն, ընդունեցէք Նոր տարուայ առիթով իմ օրհնութիւնս ու ուրախութեամբ, անողջութեամբ, հաւատքով եւ յաջողութեամբ լի ամանտեւոյ բարեմաղթութիւններս:

Կ'աղօթեմ որ Տերը Նոր տարին, հոս Ֆրանսայի, սփիւռքի, Հայաստանի եւ Արցախի մէջ մեր ժողովուրդին եւ մեր եկեղեցւոյ, ինչպէս նաեւ ողջ աշխարհի համար, բարգաւաճման եւ խաղաղութեան տարի մը դարձնէ:

Ընորհաւոր Նոր Տարի 2018:

+ *Vahan Hovhannessian*

Վահան Սրբազան

Փարիզ՝ 31 Դեկտեմբեր 2017